

حقوقی بیکیلیت مجموعه سی

هر آیک اون پشندہ نشر اولنود

دیگر مشروع بر سبیل افشا ایدن طبیعت مجازات اولوناماسی لازمدر Majno ذکر
ابتدی کمز شرحنده سری محافظه بجه مجبور اولانلر طرفدن «محکمه نك تنویری ایچون عدلیه
مأمورلریتك خبردار ایدلسنه مشروع بر سبب» ده نیله بیله جکی فکرندمه بولنور.

معافیله بو مطالعه بی مبالغه لی بر صورتده تفسیر ایتمایلدیر. واضع قانون ، سره مطلع
اولانلری علی الاطلاق شهادتده سربست عد ایدهرسه ، افشای سری مجازات ایتمنده کی
مقصد قایب اولور. بزه کوره مشروع منفعت ، محکمه جه ، بر معصومك محکوم اولسی احتمالی
کبی سرك افشا ایدلمه سی تقدیرنده ، نسبتاً چوق آغیر نتیجه لرك حصولی ملحوظ بولنسی
حالده موجود عد اولونور هر حالده محکمه نك قرار مخصوصی اوزرینه شهادت واقع
اولورسه مشروع بر سبب موجود عد اولنمایدیر .

حقوق فاکولته سی مدرسلرندن

مصطفی رشید

«شفاهی محاکماتده آووقات اولیانلرك»

من مرافعه سی

بو موضوع ایله یازیلی بر مقاله بی مجموعه نك ۱۷ نجی نسخه سنك ۳۳۴ نجی صحیفه سنده
اوقودم. قانون و حقوق ایشلری هیج شبهه سز هر درلو علائق خارجیه دن بری در .

مقاله : خاصه " حقوقزه تعلق ایتمش ، یازی ایسه یا کلتش استناد عطف ایدلمش
اولدیغندن اعطای جوابه کنیدی صلاحتدار عد ایتم . حقوق اصول محاکمه لری
قانونك ۶۱ نجی ماده سنك [شو قدرکه شفاهی اصول محاکمه یه تابع اولان ایشلرده
بو قاعده جاری دکدر دیو] محرر اولان قاعده استثنایه سی ؛ باشنده کی بعیده معطوف اسم
اشاره نظراً ماده قانونیه نك تمام مندرجاتی کوسبتره نك ماقبلنده کی عباراتك مفهوم
مخالفتی قصد ایتمش :

شفاهی محاکماتده ، برنجی وایکنج فقره لرده کی تکلیفدن آزاده اوله رق ، توکیل
ایشلری ایجاب مصالحك اختیار واعتمادینه بر اقصدر .

اگر مقاله‌نک یازدینی کی «شو قدر که... قاعده استثنائیه سی؛ ماده قانونیه‌نک تمامه دکل، یالکز اوندن اولکی فقریه عطف ایدلسه و قاعده استثنائیه؛ کندوسندن اولکی فقره‌دن مفهوم مخالف آله دخی: [غیباً محاکمه اجرا و حکم اعطا اولمیه‌رق، او وکیل حضوریه و جاهاً محاکمه اجرا و حکم اولنور] معناسی اختوا ایتدیکی شبهه‌سزدر. قانون متنک، مفادی اعتباریه تریه و صریح حق بودر.

چونکه جهت حقوقیه‌ده اصحاب مصالح کلزلسه اخذ و گرفته تحت الحفظ محذمه کتیریه‌مزلر. بوکا قاعده عمومیه متحمل دکلدر.

صاحب مقاله‌نک نقطه نظری استناد ایتدی‌دیکی اسباب موجب مضبطه‌سند: ۶۱نجی ماده‌ده پایلان تصحیحات؛ صلح حاکم‌ری قانونیه قبول ایدیلان اساسی ثبیته معطوف بولنش «اولدینی صراحتی عیناً مندر جدر.

استاد حقوق مصطفی رشید بکک حقوق اصول محاکمه‌ری شرحک برنجی جلد ۶۲نجی صحیفه‌سند ذکر ایتدیکی وجهله: اجتهادینک مستند اولدینی نوشتاتل اصول محاکمه‌سی ایله نوشتاتل بویوک مجلسی مجموعه‌سنگ جلد ۹، صحیفه ۲۷۷ ده تماس ایتدیکی مأخذلر دخی دفع ترده کافی‌در.

ینه مقاله؛ آوو قاتلق قانونسک قانون خصوصی اولدینی یازار کن تطبیق قانونی قاسده‌لرینه مراجعت اقتضا ایدر.

بناءً علیه حقوق اصول محاکمه‌ری قانونسک ۵۹، ۶۰، ۶۱، ۶۲نجی ماده‌لرینک محاماته تعلقی درکار اولمغله آوو قاتلق قانونسک مخالفی اشبو احکامک قانون عمومی ایله ومؤخر تاریخله نشر ایدلدیکی نظر اعتباره آله‌مز لازم‌در.

محکمه تمیزک بحث اولتان اجتهادینه کلنجه:

صاحب مقاله‌نک بسط بویوردقلری شکله. عدم قبول وکالت حقنده منی بویله راجتهاد تمیز صادر اولماشدر. بالعکس بر محاکمه‌ده وکیل چکله‌کدن صکره مؤکل محاکمه‌ده دوروشه‌رق بوسیله وجاهاً اجرا قلنان محاکمه نتیجه‌سی موافق اولدیغندن بحث ایله آنجق بر مؤکلك حضورینه نظراً نتیجه محاکمه‌ی تصدیق ایدن قرار تمیز، آرتق

محکمه به مؤکک اجابت ایتمسبله حد ذاته ده جای قبول اولان وکالت مسئله سنک تدقیقه حاجت قائم دینغی ده استدلال طریقله کوسترمشدر.

واضح و صریح متن قانون اوزرنده جریان ایدن مناقشه محلی قالمایوب بعدالاستیدان مسئله وکالت جلیله جه صورت عمومیه و مطلقه ده شفاهی اصول محاکمه به تابع ایشلرده دعوی وکیلارینک قبول وکالتلری صورتیله حل و تبلیغ ایدلمشدر.

اوده مشده دعوی وکیلارندن اسبارطه لی

ابراهیم ابراهیم

حقوق جزا معلمی آدوقات

محمد باهر

حقوق جزا

جرم و قباحته اشتراك

صوچده اشتراك مسئله سنده كرك روما حقوقی و كرك باربار و کلیسا قانونلری بو كونكى حقوق جزانك تلقیسنه تمامیله تماس ایده مامش و احكام اسلامیه دخی عین صورتده تدوین ایدلمشدر. [۱]

صوچ یالکز بر کیسه طرفندن یاییله ییلدیکی کبی، بدن زیاده اشخاص طرفندن صوچک ایقاعی موضوع بحث اولنجه بو شخصلارک بو بایده اوینادقلری رول هم فعللک رولیمیدر؟ یوقسه شریک رولیمیدر؟ و بونلره نه یولده جزا ترتیب ایتمک اقتضا ایدمر؟ مسأله لری اوتندن بری حقوق جزانك اك مهم مسئله لرندن برینی تشکیل ایتمش و بو بایده مختلف سیستملارک وجوده کله سنه بادی اولمشدر. هم فعللک و اشتراكه دائر آتیا اوزون اوزادی به تفصیلات ویریه چکی جهته شمیدین یوقاریده یازیلی اولان سیستملر حقنده معلومات اعطاسی موافق کورلمشدر. بو سیستملر بروجه آتیدر:

برنجی سیستم — عتیق نظریه جه قبول ایدلمش اولان و هم فعللک مجرمیتنی خفیف بر صورتده شریکله تشمیل ایتمک یعنی بر صوچه اشتراك ایده نلرک مسئولیتلرینی مادی عد ایتمه رک هم فعللره صوچک تمام جزاسنی، شریکله ده ده خفیف بر جزا ویرمک

[۱] فقه حنفینک بوبایده کی احکامنه اطلاع پیدا ایتمک ایچون «معیار العداله» نک ۴۲، ۴۳، ۴۶، ۱۹۳ و ۲۲۷ نجی مسئله لرینی تدقیق ایتمک اقتضا ایدر.